

Forskrift om vass- og avløpsgebyr, Fitjar kommune, Vestland

Heimel: Vedteke av Fitjar kommunestyre dd. mmmmm 2026 med heimel i lov 06. juni 2025 nr. 26 om kommunale vass- og avløpsanlegg § 4 og forskrift 1. juli 2004 nr. 931 om begrensning av forurensning § 16-1 andre ledd.

Kapittel 1. Generelle føresegner

§ 1-1. Føremålet med forskrifta

Forskrifta fastset utrekningsmåte og gebyrplikt for kommunen sine vass- og avløpstenester. Forskrifta skal medverke til stabile føresetnader for gebyrutrekninga.

§ 1-2. Verkeområde

Forskrifta gjeld for alle som er definert som abonnentar jf. § 1-3 bokstav b, og gjev reglar om utrekning og innbetaling av gebyr som abonnentane skal betale for kommunen sine vass- og/eller avløpstenester.

§ 1-3. Definisjonar

I denne forskrifta har desse omgrepa følgjande tyding:

- a. Eigedom: Fast eigedom registrert med eige gards- og bruksnummer, eige festenummer eller eige seksjonsnummer i matrikkelen. Seksjon etablert etter lov om eigarseksjonar vert rekna som sjølvstendig eigedom.
- b. Abonnent: Eigar eller festar av eigedom som er tilknytt kommunen sitt vass- og/eller avløpsanlegg, eller som er godkjend eller kravd tilknytt. Festar av eigedom skal stå som abonnent når gjenstående festetid då gebyrplikta oppstod var 30 år eller meir, eller festar har rett til å få festeavtalen forlenga slik at samla festetid vil kunne bli 30 år eller meir frå gebyrplikta oppstod. I burettslag er burettslaget abonnent. I eigarseksjonssameige er kvar eigarseksjon ein abonnent.
- c. Abonnement: Avtale mellom abonnent og kommunen om vass- og avløpstenester gjennom tilknytning av sanitærinstallasjonar og private vass- og avløpsanlegg til kommunen sine vass- og avløpsanlegg. Det er ikkje ein føresetnad at avtalen er skriftleg. Avtale om tilknytning via privat fellesleidning vert rekna som abonnement.
- d. Sanitærinstallasjonar: Abonnenteigde rør, installasjonar og utstyr innanfor ytterveggen til huset, som er tilknytt vass- og/eller avløpsanlegg.
- e. Privat vass- og avløpsanlegg: Abonnenteigde leidningar (stikkleidningar) og utstyr utanfor ytterveggen til bygget, som er knytte til eit offentleg vass- og/eller avløpsanlegg.
- f. Avløpsvatn: Både sanitært og industrielt spillvatn og overvatn.
- g. Bygg/bygning: Konstruksjon/byggverk med eige bygningsnummer i matrikkelen.
- h. Brukseining: Bygning eller del av bygning (lokale), til dømes bustad, kontor, verkstad og lager.
- i. Bueining: Brukseining som er definert som bustad eller bueining i matrikkelen. Kvar brukseining som har minst eitt rom og eigen inngang, og der ein har tilgang til vatn og toalett utan å gå gjennom ei anna brukseining, vert rekna som ei bueining. Det er ikkje eit krav at bueiningane er godkjende som separate bueiningar og/eller fysisk skilt frå andre bueiningar. Brukseining som er definert som bustad i matrikkelen vert alltid rekna som bueining.
 1. Utleigerom i ein privat bustad: Hybel eller utleigerom vert ikkje rekna som ein sjølvstendig bustad, sidan ein må gå gjennom bustaden til andre for å kome til eige rom.
 2. Hyblar i hybelbygg: Kvar hybel vert rekna som sjølvstendig bustad, sjølv om bebuarane deler viktige funksjonar som kjøkken og/eller bad. Kjøkken, bad og gang som fleire deler, vert rekna som fellesareal og ikkje som ein integrert del av andre sine bustader.
- j. Bustadeigedom: Eigedom med bygg som vert brukt til bustadføremål, medrekna fritidsbustad. Bygningstype 111–199 etter NS-3457.
 1. Fritidseigedom: Eigedom der alle bustadbygg er registrert som fritidsbustad i matrikkelen.
 2. Fritidsbustad: Registrert i matrikkelen med bygningstype 161–163 etter NS-3457.
- k. Nausteigedom: Eigedom der det ikkje er bustadbygg eller fritidsbustad, og der bygningsmassen i hovudsak består av naust, uthus, buer eller liknande bygningar med bygningstype 181–183 etter NS-3457.
- l. Eigedom utan bygg: Fast eigedom med tilknytt vassuttak eller avløpsutslapp som ikkje er plassert i eller høyrer til ein bygning, til dømes småbåthamner, kaianlegg og vatningsanlegg.
- m. Kombinasjonseigedom: Eigedom med ei eller fleire bueiningar, i tillegg til ei eller fleire brukseiningar som ikkje er bustad. Eigedom med ei eller fleire bueiningar i tillegg til ei eller fleire bygningar for fiskeri eller landbruk vert klassifisert som kombinasjonseigedom. Dersom eigedomen er seksjonert etter eigarseksjonslova, vert kvar bustad- eller næringsseksjon rekna som ein eigen bustad- eller næringsseigedom.
- n. Næringsseigedom: Eigedom som ikkje er bustadeigedom, fritidseigedom, kombinasjonseigedom, nausteigedom eller eigedom utan bygg.
- o. Bruksareal (BRA): Bruksareal for eigedom som er registrert i matrikkelen og rekna med utgangspunkt i NS-3940.

§ 1-4. Generell gebyrplikt

Plikta til å betale vass- og/eller avløpsgebyr gjeld abonnentar med:

- a. Fast eigedom som er eller frivillig vert tilknytt kommunal vass- og/eller avløpsleidning, direkte eller gjennom privat samleidning.
- b. Eigedom som kommunen i medhald av plan- og bygningslova §§ 27-1, 27-2 eller § 30-6 har kravd tilknytt kommunal vass- og/eller avløpsleidning.

Den generelle gebyrplikta gjeld også eigar av eigarseksjonar eller festa eigedom, som definert i § 1-3.

Første ledd bokstav b gjeld ikkje driftsbygningar i landbruket jamfør plan- og bygningslova § 30-1.

§ 1-5. Gebyrtypar

Gebyrtypane er:

- a. Eingongsgebyr for tilknytning til høvesvis vatn og avløp.
- b. Årsgebyr for høvesvis vatn og avløp (summen av fast og variabel del).

I tillegg kan kommunen krevje betaling etter standardiserte satsar for kommunen sine kostnader ved avlesing av vassmål, samt avstenging og påsetjing av vassforsyning.

§ 1-6. Gebyrsatsar

Kommunestyret vedtek gebyrsatsane og avgjer når dei skal tre i kraft.

Gebyra skal fullt ut dekkje kommunen sine kostnader ved levering av tenestene regulert av denne forskrifta.

Gebyrsatsane kjem fram av gebyrregulativet, og er tilgjengelege på kommunen sine heimesider.

§ 1-7. Arealutrekning metode

Dersom utrekninga av gebyr vert gjort avhengig av bustaden sin storleik, skal det vere bruksarealet rekna etter NS-3940 som dannar grunnlaget for gebyrfastsetjinga.

Garasjar, uthus, anneks, utvendige buer og naust vert ikkje medrekna som bruksareal for bustad- og kombinasjonseigedom. Dette gjeld bygningstype 181–183 etter NS-3457.

I ein overgangsperiode fram til 1. januar 2028 vert bygningstype 233, 241, 243, 244, 245, 248 og 249 etter NS-3457 haldne utanfor utrekningssgrunnlaget for nærings- og kombinasjonseigedom.

Dersom eigedomen sine opplysingar i matrikkelen er mangelfulle, kan kommunen estimere arealet ut frå eit gjennomsnittsoverslag for bygningstypen. Abonnementen kan sjølv skaffe dokumentasjon på eigedomen sitt gebyrpliktige areal.

Som grunnlag for utrekning av gebyr tek kommunen utgangspunkt i opplysingane i matrikkelen. Opplysingar skal korrigert dersom dei er feilaktige.

Kapittel 2. Tilknytingsgebyr

§ 2-1. Gebyrplikt

Abonnementen skal betale gebyr for tilknytning til kommunalt vass- og/eller avløpsanlegg for:

- a. Tilknytning av eigedom.
- b. Tilknytning av eigedom som kommunen krev tilknytt, jf. pbl. §§ 27-1 og 27-2 og pbl. § 30-6.
- c. Eigedom med tilknytning som ikkje er godkjend.

Abonnementen skal ikkje betale tilknytingsgebyr for:

- a. Seksjonering av allereie tilknytt eigedom.
- b. Tiltak som utvidar eigedomen sitt gebyrpliktige bruksareal etter § 1-7.
- c. Bygg som har mellombels tilknytning i opptil tre år, til dømes brakkerigg. Dersom tilknyttinga varer i meir enn tre år, skal det verte kravd tilknytingsgebyr.
- d. Særskild tilknytning av sprinkleranlegg.

§ 2-2. Utforming av gebyra

Tilknytingsgebyret er eit eingongsgebyr og vert betalt etter fastsette kategoriar i gebyrregulativet.

Om kommunen overtek private vass- og/eller avløpsanlegg kan kommunen fastsetje særskild sats i det einskilde tilfellet.

Bustadeigedom skal betale eingongsgebyr for tilknytning som eit fast beløp per buening.

Fritidseigedom skal betale eingongsgebyr for tilknytning etter eit fast beløp per brukseining.

Næringsseigedom skal betale eingongsgebyr for tilknytning som eit fast beløp per brukseining som er tilknytt.

Kombinasjonseigedom skal betale eingongsgebyr for tilknytning for kvar del etter reglane ovanfor.

Nausteigedom og eigedom utan bygg skal betale eingongsgebyr for tilknytning som eit fast beløp per eigedom.

§ 2-3. Ansvar og betaling

Tilknytingsgebyr skal vere betalt før tilknytning.

Den som er abonnent på det tidspunktet gebyrplikta oppstår, er ansvarleg for å betale gebyret. Dette gjeld òg dersom fakturaen for tilknytingsgebyret i utgangspunktet vart sendt til ein utbyggjar, tiltakshavar eller andre, men framleis er ubetalt når eigedomen vert fysisk knytt til kommunen si vass- eller avløpsleidning. Kommunen vil varsle abonnenten om ubetalt tilknytingsgebyr på eigedomen så snart abonnenten er kjend for kommunen. Abonnenten må betale fakturaen viss utbyggjaren eller ein annan tiltakshavar ikkje gjer opp med kommunen innan fristen.

Kommunen fakturerer gebyret samstundes som igangsetjingsløyvet vert gjeve, med den satsen som gjeld på faktureringstidspunktet. For eksisterande bygg med tilknytning som ikkje er godkjend, vert tilknytingsgebyr betalt etter gjeldande sats på det tidspunktet kravet vert framsett eller foreldingsfristen sitt utgangspunkt, jamfør foreldingslova § 3.

Kapittel 3. Årsgebyr

§ 3-1. Gebyrplikt

Abonnenten må betale årsgebyr for alle eigedomar som:

- Er knytte til kommunalt vass- eller avløpsanlegg.
- Er pålagde tilknytning til kommunalt leidningsnett etter plan- og bygningslova eller anna lov.

Årsgebyr vert rekna frå dato for tilknytning. For eigedomar som er pålagde tilknytning etter bokstav b, vert gebyret rekna frå tidspunkt for tilknytning, eller seinast frå det tidspunktet fristen for tilknytning i pålegget er ute, jf. vass- og avløpsanleggslova § 4 andre ledd.

Gebyrplikta er uavhengig av om det er utandørs tappepunkt/vasspost eller om det er innlagt vatn.

§ 3-2. Gebyroppbygging

Årsgebyra for vass- og avløpstenester er samansette av to delar:

- Abonnementsgebyr (fast del).
- Forbruksgebyr (variabel del).

Inntektene frå abonnementsgebyret skal fortrinnsvis dekkje dei forventaste kostnadane til vass- og avløpstenestene. Kor stor del av årsgebyret som skal vere fast og variabel del, vert kvart år fastsett i gebyrregulativet.

§ 3-3. Abonnementsgebyr

Bustadeigedom skal betale abonnementsgebyr som ein fast sats per bueining.

Fritidseigedom skal betale abonnementsgebyr etter ein eigen sats per brukseining. Satsen kan vera ulik satsen for bustadeigedom.

Alle bustad- og fritidseigedomar skal betale minst eitt abonnementsgebyr.

Nærings- og kombinasjonseigedom skal betale abonnementsgebyr etter fastsette kategoriar som speglar vassforsyningskapasiteten til den einskilde eigedom. Kategoriane kjem fram av gebyrregulativet.

I bygning der kommunen har gjeve løyve til at fleire eigedomar kan dele vassmålar, skal abonnentane betale abonnementsgebyr som ein fast sats per brukseining.

Nausteigedom og eigedom utan bygg skal betale eitt abonnementsgebyr per eigedom etter eigen sats i gebyrregulativet.

§ 3-4. Forbruksgebyr

Abonentane skal betale forbruksgebyr etter målt eller stipulert vassforbruk i m³. Både kommunen og abonnenten kan krevje at forbruksgebyret vert fastsett ut frå målt forbruk. Dersom forbruksgebyret allereie er fastsett ut frå målt forbruk kan dette ikkje reverserast slik at forbruket vert rekna ut etter stipulert vassforbruk.

Det vert ikkje gjeve nedsett forbruksgebyr for storforbrukarar av vatn.

Som hovudregel gjeld at avløpsmengda vert rekna lik vassmengda ved utrekning av forbruksgebyr. Unntak frå dette er nemnt i § 3-7 femte ledd.

§ 3-5. Betaling etter målt forbruk

Forbruksgebyr for målt forbruk blir fastsett på grunnlag av rapportert årsforbruk. Følgjande eigedomar skal ha installert vassmålar og betale etter målt forbruk innan 1. januar 2028:

- Næringsseigedom, medrekna bygg for offentlege føremål.
- Kombinasjonseigedom, medrekna eigedomar med ei eller fleire bueiningar i tillegg til ei eller fleire bygningar for fiskeri eller landbruk.
- Anlegg med varig eller mellombels tilknytning i samband med oppføring av bygg eller anlegg.

Innan 31. desember 2031 skal alle abonnentar ha installert vassmålar. Frå 1. januar 2032 skal alle eigedomar betale forbruksgebyr etter målt forbruk. Fram til vassmålar er installert, må abonnenten betale etter stipulert forbruk.

Dersom det ikkje er mogleg å installere vassmålar, kan kommunen fastsetje eit stipulert forbruk.

For mellombelse tilknytingar kan kravet om vassmålår fråvikast dersom vassmengda kan verte fastsett på andre måtar.

§ 3-6. Betaling etter stipulert forbruk

Eigedom som ikkje har vassmålår, skal betale forbruksgebyr etter stipulert forbruk. Reglane i denne paragrafen gjeld ikkje for eigedomar med installert vassmålår.

Som hovudregel vert stipulert forbruk rekna ut frå eigedomen sitt bruksareal, jf. § 1-7, multiplisert med ein faktor for vassforbruk per kvadratmeter bruksareal. Kommunen kan fastsetje ein særskild omrekningsfaktor for fritidsbustader.

Nausteigedom og eigedom utan bygg vert stipulert særskilt per eigedom.

Faktorar og stipulert vass- og avløpsmengd kjem fram av gebyrregulativet.

§ 3-7. Reduksjon av eller tillegg til årsgebyr

Restriksjonar på vassforbruket, avbrot i vassleveransen eller i mottak av avløpsvatn gjev ikkje grunnlag for reduksjon av gebyra.

Fråflytting eller fråvære gjev ikkje grunnlag for reduksjon av gebyra. Er bustad/bygg på eigedomen fjerna, eller øydelagd slik at den ikkje kan verte brukt, må abonnenten betale årsgebyr inntil stikkleidning er fråkopla (plugga) ved hovudleidninga.

Ved søknad til kommunen kan abonnenten få fritak for årsgebyret når eigedomen fysisk vert fråkopla kommunalt leidningsnett. Abonnementet tek slutt når melding om plombering er motteken.

Ny tilknyting av eigedomen utløyser ikkje ny betaling av eingongsgebyr for tilknyting. Både arbeidet med å kople frå og ny tilknyting vert utført for abonnenten si rekning og etter kommunen si tilvising. Kommunen kan krevje ei standardisert betaling frå den gebyrpliktige for kostnadane kommunen har ved å stengje og setje på vassforsyninga.

Betalingssatsen går fram av gebyrregulativet.

For eigedom som ikkje vert brukt som bustad, og der avløpsmengda er vesentleg større eller mindre enn vassforbruket, kan avløpsgebyret verte rekna ut frå målt avløpsmengd, eller verte fastsett etter særskild avtale med kommunen.

Dersom samansetjinga av avløpsvatnet frå ein eigedom skil seg frå vanleg kommunalt avløpsvatn og gjer drift og vedlikehald av det kommunale avløpsanlegget dyrare, kan kommunen krevje eit tillegg i avløpsgebyret for å dekkje meirkostnadane. I slike tilfelle inngår kommunen og abonnenten ein eigen avtale.

Dersom avløpsmengda frå eigedomen er vesentleg mindre enn vassforbruket eit år, som følgje av lekkasje på det private vassanlegget (stikkleidning for vatn), kan abonnenten søke om at kommunen fastset avløpsgebyret ut frå avløpsmengda frå året før. Søknaden må innehalde dokumentasjon frå godkjend røyrleggar som viser at lekkasjevatnet ikkje er tilført privat avløpsanlegg (stikkleidning for spillvatn). Abonnementen er sjølv ansvarleg for å skaffe denne dokumentasjonen.

§ 3-8. Gebyrreduksjon i medhald av forbrukarkjøpslova sine reglar om prisavslag

Abonnementen har rett til reduksjon i gebyr (prisavslag) ved feil eller mangel ved vassforsyninga i medhald av forbrukarkjøpslova sine reglar om prisavslag. Abonnementen har rett til redusert forbruksgebyr dersom ikkje-varsla avbrot i vassforsyninga varer i meir enn 24 timar.

Vilkår for gebyrreduksjon er at mangelen er skulda tilhøve på kommunen si side, til dømes forureining i vasskjelde eller feil ved kommunalt anlegg. Kommunen pliktar å bidra til å avklare ansvarsforholdet.

Ei generell tilråding om koking som tryggleikstiltak etter trykkfall på grunn av reparasjon, spyling, brannsløkking o.l., gjev ikkje gebyrreduksjon.

Abonnementen må setje fram krav om redusert gebyr innan to månader etter at tilhøvet oppstod, med mindre kommunen alt har gjort eit eige vedtak om gebyrreduksjon.

Sats for gebyrreduksjon vert fastsett i gebyrregulativet.

§ 3-9. Pålegg om utbetring

Kommunen kan krevje dekt alle kostnadar direkte knytt til tiltak som følgje av at abonnent har unnlate å etterkome pålegg om å utbetre lekkasjar på eigedomen si vassleidning eller manglar ved avløpsanlegg eller sanitærutstyr. Ved omlegging eller utbetring av avløpsleidningar kan kommunen krevje at eigar av tilknytt stikkleidning set i verk tilsvarande omlegging eller utbetring.

Dersom den gebyrpliktige ikkje etterkjem pålegg om utbetring av lekkasjar som medfører forureining, kan det verte kravd tvangsmulkt etter vass- og avløpsanleggslova § 16.

§ 3-10. Ansvar for opplysingar om abonnement

Abonnementen skal melde frå til kommunen om endringar i abonnementsforholdet.

§ 3-11. Ansvar for gebyra

Abonnenten har ansvar for betaling av årsgebyret, uansett om gebyrkravet er retta mot abonnenten eller annan rekningsmottakar.

Abonnentar som samarbeider om felles vass- eller avløpsmålar, er solidarisk ansvarlege for gebyra. Gjeld slikt samarbeid eit sameige etter eigarseksjonslova, er kvar abonnent ansvarleg for ein del av gebyret i samsvar med sin eigarpart, dersom ikkje anna fordeling er fastsett i sameiget sine vedtekter eller bindande vedtak i sameiget.

§ 3-12. Retting av feil gebyrutrekning

Har mangelfulle eller feil opplysingar ført til feilaktig utrekning av gebyr, skal utrekninga rettast og differansen verte gjort opp. Krav som er forelda etter reglane om forelding av fordringar, vert normalt ikkje dekte.

Kapittel 4. Innbetaling av årsgebyr

§ 4-1. Innbetaling

Forfalne krav på årsgebyr er sikra med pant i eigedomen etter pantelova § 6-1.

Abonnementsgebyr og forbruksgebyr vert innkravd på felles faktura.

Når ein abonnent får installert vassmålar, gjeld reglane for stipulert forbruk fram til dato for installasjon av målaren føresett at denne er godkjend av kommunen etter reglane i § 5-2.

Faktura vert sendt til abonnent.

Eigedomar med felles vassmålar og som har avtalt med kommunen at dei skal få felles faktura, vert fakturerte via ein eigar/festar av eigedomen eller særskild avtalt rekningsmottakar.

Årsgebyra vert kravd inn over eit tal terminar som vert fastsett i gebyrregulativet.

§ 4-2. Manglande innbetaling

Dersom årsgebyret ikkje er betalt innan ein månad etter at den gebyrpliktige har motteke andre gongs varsling om innbetaling, kan kommunen stengje den kommunale vassforsyninga til eigedomen så framt kommunelegen ikkje motset seg avstenginga.

Kommunen kan krevje betaling frå abonnent for å dekkje kostnadane i samband med stenging og påsetjing av vassforsyninga. Satsen for betaling kjem fram av gebyrregulativet.

Kapittel 5. Føresegner for installasjon og bruk av vassmålar

§ 5-1. Målartypar

Føresegnene for vassmålarar gjeld tilsvarande for eventuelle avløpsmålarar. Føresegnene gjeld for vass-/avløpsmålarar med fjernavlesing så langt dei passar.

§ 5-2. Installasjon

Kommunen avgjer kor mange vassmålarar den einskilde eigedom skal ha, og fastset type, storleik og plassering på vassmålar.

Kommunen skal godkjenne den som skal stå for installasjon og vedlikehald, og fastset eventuell flytting, utskifting eller fjerning av målar.

Dersom eksisterande eigedom med vassmålar vert oppdelt i nye eigedomar, skal kvar av dei nye eigedomane ha eigen vassmålar.

Abonnentar kan samarbeide om felles vassmålar der det vil vere særleg kostbart å installere eigen målar for kvar eining. Årsgebyr vert fordelt på abonnentane etter reglane i § 3-11 andre ledd.

Pålagt vassmålar for ny eigedom skal vere installert seinast når det vert gjeve mellombels bruksløyve eller eigedomen vert teken i bruk, og for eksisterande eigedom når den vert tilknytt. Dersom dette vert unnlate, skal abonnenten betale stipulert årsgebyr etter § 3-6.

For installasjon og bruk av vassmålarar gjeld elles forskrift om krav til vassmålar og dei tekniske føresegnene til kommunen.

§ 5-3. Eigarforhold og kostnader

Ved installasjon av ny vassmålar skal kommunen stå som eigar av denne. Installasjonskostnadar vert dekte av abonnenten.

For anskaffing og vedlikehald av vassmålar vert det betalt ei årleg leige. Pris for leige av vassmålar kjem fram av gebyrregulativet.

Dersom ein vassmålar vert borte eller skadd, skal abonnenten omgåande melde dette til kommunen. Kommunen tek atterhald om retten til å krevje full erstatning for tap eller skade.

§ 5-4. Avlesing av vassmål

Abonnenten skal lese av vassmålaren så nær fastsett tidspunkt for avrekning som mogleg og sende resultatet til kommunen innan fastsett frist. Tidspunkt for avlesing vert fastsett i gebyrregulativet.

Dersom abonnenten ikkje les av vassmålaren, kan kommunen etter puring fastsetje årsgebyret etter skjøn.

Dersom abonnenten unnlèt å lese av målararen, kan kommunen sjølv setje i verk avlesing utan ytterlegare varsel til abonnenten og krevje særskild betaling for å dekkje kommunen sine kostnader med dette. Satsen for betaling kjem fram av gebyrregulativet.

§ 5-4 første til tredje ledd gjeld ikkje abonnentar med fjernavlesing av vassmål.

§ 5-5. Tilsyn og vedlikehald

Abonnenten skal halde vassmålaren lett tilgjengeleg for avlesing, tilsyn og vedlikehald.

Abonnenten skal føre tilsyn med vassmålaren. Abonnenten er også ansvarleg for å følgje med på forbruksutviklinga, slik at lekkasjar eller feil vert oppdaga snarast mogleg. Vert ein vassmål skadd eller går tapt, skal abonnenten straks melde frå til kommunen. Broten plombering av vassmålaren vert også rekna som skade.

Kommunen kan krevje erstatning for skadar abonnenten påfører anlegga til kommunen, medrekna vassmålaren, etter dei vanlege reglane om skadeserstatning.

Kommunen skal føre tilsyn med vassmålaren i samsvar med sitt eige internkontrollsystem. Kontrollør frå kommunen skal legitimere seg utan oppmoding.

§ 5-6. Avrekning ved feilmåling

Dersom vassmålaren ved kontroll viser større målarfeil enn grenseverdiane som er tillatne etter forskrift om krav til vassmål, har abonnenten krav på tilbakebetaling av for mykje betalt årsgebyr som følgje av feilmålinga. Er plomberinga broten, har abonnenten ikkje krav på tilbakebetaling.

Tilbakebetalinga vert rekna frå det tidspunkt ein legg til grunn at feilen må ha oppstått.

Krav som er forelda etter foreldingslova, vert ikkje dekte.

Kommunen har krav på tilleggsbetaling etter tilsvarande reglar om målarfeilen har gjort at abonnenten har betalt for låge gebyr.

§ 5-7. Nøyaktigheitskontroll

Kommunen skal ha sitt eige internkontrollsystem for å sikre korrekte målarverdiar og skal gjere kontroll av vassmålaren etter dette. Abonnentane kan krevje kontroll av målararen sin ved mistanke om feil.

Dersom kontrollresultatet ligg utanfor feilmarginen etter forskrift om krav til vassmål, vert det utført ei justering, eventuelt utskifting av vassmålaren, utan utgifter for abonnenten. Dersom abonnenten har kravd nøyaktigheitskontroll og det ikkje vert påvist feil utanfor feilmargin, vert kostnadane betalt av abonnenten.

§ 5-8. Utskifting og flytting

Er målenøyaktigheita for dårleg, bestemmer kommunen om vassmålaren skal verte justert eller skifta ut. Når vassmålaren har nådd vanleg levetid, kan kommunen bestemme at vassmålaren heilt eller delvis skal bli skifta ut. Kommunen skaffar ny vassmål, medan abonnenten dekkjer kostnadane knytt til sjølve utskiftinga.

Kommunen kan krevje flytting av vassmål som er plassert i strid med kommunen sine krav til plassering.

Abonnenten betaler for slik flytting.

Kapittel 6. Avsluttande føresegner

§ 6-1. Klage og omgjerung

Gebyr som er fastsett i samsvar med denne forskrifta, er ikkje enkeltvedtak, og kan ikkje klagast på etter forvaltningslova.

Enkeltvedtak gjort i medhald av denne forskrifta, kan klagast til særskild klagenemnd, jamfør forvaltningslova § 28 andre ledd.

Gebyr må betalast innan forfallsdato sjølv om gebyrvedtaket er klaga inn.

§ 6-2. Ikraftsetjing

Forskrifta trer i kraft 1. januar 2027.

Frå same tid vert tidlegare forskrift om vass- og avløpsgebyr i Fitjar kommune oppheva.